



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Außlegung der Episteln vnd Euangelien: von Ostern bis auff das Aduent**

**Luther, Martin**

**Wittemberg, 1547**

**VD16 L 5614**

7 Von gewalt der Schüssel in der Kirchen.

**urn:nbn:de:hbz:466:1-37032**

vnd in dem Wort/empfangen/ rein vñ  
blos/ on alle vnser werck. Doch nicht  
also/ das ein Christen nicht gute werck  
thun solle vnd müsse/ Sondern/ das  
man sie nicht in des Glaubens lere men  
ge vnd flechte/ vnd mit dem schändli  
chen wohn behenge/ das die zur gerecht  
tigkeit fur Gott etwas vermögen/ das  
durch man beide/ die werck vnd Glau  
bens lere beschmeisset vnd verderbt.  
Denn es ist alles darumb zu thun/ das  
man diesen Artikel rein vnd lauter be  
halte/ von alle vnserm thun abgeseh  
den.

Darnach aber/ wenn wir diese ge  
rechtigkeit haben/ sollen die werck sol  
gen/ vnd hie niden auff Erden bleiben/  
das sie die weltliche gerechtigkeit ma  
chen vnd erhalten/ Vnd also beider  
che gehen/ aber jeglichs sonderlich in  
irem wesen vnd werden/ Jene fur Gott  
im Glauben/ vber vnd vor allen wer  
cken/ Diese in wercken der Liebe gegen  
dem Nehesten/ wie wir auch oben gnuß  
gesagte haben.

Vonder gewalt auff Erden/  
Sünde zu vergeben.

**D**ie Pharisser wußens wol/  
das es Gottes werck war/ vnd  
im allein zustunde/ sünde zu ver  
geben/ Derhalben hielten sie Christum  
fur einen Gotteslesterer/ welcher als ein  
Mensch/ wolt sünde vergeben. Zweier  
ley weise ist die sünde zu vergeben/ Erst  
lich/ die sünde aus dem hertzen treiben/  
vnd gnade eingießen/ das thut Gott al  
lein. Zum andern/ verkündigen die ver  
gebung der sünde/ das thut auch ein  
Mensch dem andern. Aber Christus  
thut hie beides/ Ins hertz gibt er den  
Geist/ anwendig verkündigt ers mit  
dem Wort/ Welche ist eine verkündi  
gung vnd öffentliche Predige der in  
nerlichen vergebung

Diese gewalt haben alle Mens  
chen/ welche Christen vnd getauffte  
sind/ Denn damit preisen sie Christum/  
vnd ist jnen das Wort/ in Mund gege  
ben/ das sie sagen können vnd mögen/  
wenn sie wollen/ vnd so oft es von nö  
ten ist/ Siehe Mensch/ Gott beut dir  
seine gnade an/ schencket dir alle deine  
sünde/ Bis getrost/ dir sind deine sünde  
vergeben/ Glenbe es nur/ so hastu es ge

wis. Diese stimme sol nicht auff hören  
vnter den Christen/ bis an den Jüng  
sten tag/ Dir sind deine sünden verges  
ben/ Sey frölich vnd getrost. Solches  
hat ein Christ jmer im munde/ vnd fü  
ret das Wort öffentlich/ in welchem  
die sünde werden vergeben. Also vnd  
auff die weise hat ein Christ gewalt/  
die sünde zu vergeben.

Derhalben wenn ich zu dir sage/  
Dir sind deine sünde vergeben/ so hale  
es gewis dafür/ als sagete dirz Gott  
selbs/ Denn wer wolt das thun/ wenn  
Christus selbs nicht herab gestiegen we  
re/ vnd hette mirs in den Mund geleget  
vnd gesagt/ das wir solten/ einer dem  
andern die sünde vergeben/ Als da er in  
Johanne spricht/ Niempt hin den heil  
igen Geist/ welchen jr die sünde erlas  
set/ denen sind sie erlassen/ Vnd welch  
en jr sie behaleet/ denen sind sie behal  
ten. Vnd an einem andern ort spricht  
er/ Wo zween vnter euch eins werden/  
warumb es ist/ das sie bitten wollen/  
das sol jnen widerfahren von meinem  
Vater im Himmel/ Denn wo zween oder  
drey versamlet sind in meinem Namen  
da bin ich mitten vnter jnen/ Das wort  
thuts/ vnd schneit hindurch.

Wenn nu kein Mensch auff Er  
den were/ der sünde vergebte/ vnd weren  
allein Geseß vnd werck/ O wie ein blö  
de vnd elend ding were es vmb ein arm  
betrübt gewissen Tu aber/ so Gott eis  
nem jglichen den mund vol gibe/ das er  
sprechen kan zu einem andern/ Die sol  
len deine sünde vergeben sein/ du seiest  
wo du seiest/ so ist das gülden Jar an  
gangen. Darauff sollen wir trogen vñ  
pochen/ wider die sünde/ das ich zu mei  
nem Bruder/ der in angst vnd not der  
sünden stecket/ sagen kan/ Sey frölich  
vnd getrost/ mein Bruder/ dir sind dei  
ne sünde vergeben/ Wiewol ich dir den  
heiligen Geist vnd den Glauben nicht  
geben kan/ dennoch kan ich dirz ver  
kündigen/ Glaubestus/ so hastu es. Wel  
che nu solchs empfangen/ die loben vnd  
preisen Gott/ wie sie auch hie thun im  
Euangelio. Das heist/ Gott hat den  
Menschen macht gegeben/ sünde zu  
vergeben/ Vnd das ist das Reich Chris  
ti mehren/ das Gewissen trösten vnd  
auffrichten. Das thun wir nu durchs  
Wort. Gott gebe/ das wirs also auch  
fassen.

*Wol woltz wußt  
ein Geist sünd  
zu vergeben*

*Wann ein Geist den  
andern böse sünde  
den sünd was kündigt  
wilt er was dafur  
get. Jhs. seht im vor  
einigen Gattel p.*

*Johan. 20. Niempt hin  
den heiligen Geist. Wer  
jnen in die sünde  
behalt. p.*

*Matth. 18. wo zween  
bitten. p.*

Son

